

Consillu Armânjloru

(Consillu Makedonarmânjloru)

www.makedonarman-council.org e-mail : info@makedonarman-council.org

Bulitinu Infurmativu

Aoa sh-unâ stâmânâ, tu 13-li sh-14-li di Shcurtu 2013, s-dizvârti Tirana unâ conferentsâ internatsiunalâ trâ prublimatica a minoritâtsloru ditu Arbinishii sh-ditu craturli vitsini ditu Balcanu. Organidzatâ trâ itia a yiurtiljei di 100 di anji di cându s-ari thimiljiusitâ cratlu indipidentu arbinesu, aestâ conferentsâ shtiintsificâ, andreaptâ di Universitatea Marin Barleti di Tirana (Law Faculty and Albanian Institute for Public Affairs), fu unâ oportunitate / furnjii di muabets tinjisiti trâ prublimatica a minoritâtsloru tsi bâneadzâ tu Arbinishii cata cumu sh-atsiloru minoritâts tsi bâneadzâ tu Evropa ditu Notu-Datâ.

Conferentsa s-dizvârti tu trei sectiuni ahoryea:

- prota sectsiuni, cu thematica “Catandisea giuridicâ a minoritâtsloru natsiunali sh-ethno-lingvistitsi tu Arbinishii”;
- deftura sectsiuni, cu thematica “Catastasea sotsio-icunomicâ a minoritâtsloru ditu Arbinishii”;
- treia sectsiuni, cu thematica “Minoritatea arbinesâ sh-alti minoritâts tu craturli vitsini”;

Tu prota sectsiuni alishte conferentsâ, di partea a Consillui a Makedon-Armânjloru, fu pârstâsitâ, tu anglica, lucrarea cu thema “ Juridical and political aspects regarding the minority of the Armâns / Makedon-Armâns in Albania and how they enjoy all the rights granted by the European and international norms”.

Tu treia sectsiuni furâ pârstâsiti dauâ lucrâri di partea ali Comunitatea Armânjloru ditu Rumânii: unâ andreaptâ sh-pârstâsitâ di Av. Chirana Darlaiane – “Aromanian / Armân Group Survival in the identity context of United Europe”, alantâ andreaptâ sh-pârstâsitâ di Prof. Enache Tusha – “Armân (Macedo-Romanian) Community colonized in Romania during 1925 – 1935 and their conditions nowadays”.

Ti ptânu kiro tuti aesti pârstâseri va hibâ apidusi pi armâneashti shi va poatâ s-hibâ dyivâsiti tu site-lu a consillui (sectsiunea “News”):

www.makedonarman-council.org

Consillu a Makedon-Armânjloru
Biroulu di Cumândâseari

tu-19-li di Shcurtu 2013

(Bulitinu Infurmativu Nr. 40)